

4580

Pineapple Slop

SGT Pineapple

891-99

F - 75

2011

99 ♂

«Գ.Ա.ՄԱՆՈՒՍԻԿԻՑ ՄԱՏԵՆԱԾՈՐ» №. 19

891.99

P-75

ՍՄԲԱՏ ԲԻՒՐԱՏ

(5)



ՏԵՄԻՐ ՄՈՒՇԼՈՒ

(Մօեցի կնոջ մը կեանեն)



1911
Ա. ՊՈՂԻՄ

Տպագրիչ - Հրատարակիչ
Ք. Աղյինակ Ա. Քիւրաս
Սուլթան Համզա Մօլա Թաոր

891.99

«ԺԱՄԱՆԱԿԱԿԻՑ ՄԱՏԵՆԱՅԱՐ» №. 19

ՍՄԲԱՏ ԲԻՒՐԱՏ



ՏԵՄԻՐ ՄՈՒԵԼՈՒ

(Մշեցի կնոջ մը կեանքէն)

34

12040

1911
Ա. ՊՈԼԻ. ԽՍ

Տպագրիչ - Հրատարակիչ
Քլանչինսկի Ա. Քիւրամ
Սուլբան Համամ Մօլա Թաոր

2013

ՍՄԲԱՏ ԲԻՒՐԱՏ

	ԴՐՈՒՅՑ
Թուրքերէն (Հայրենի Քերբուածներ)	3
Սևարայի Արձիւր (Թատերգութիւն 5 Արար)	3
Աղջարաւոր Հերոսը (Կենսագրական)	1
Զերունցի Վարդապետ (»)	1
Թամաւ Թամաւ (Պատմական Վ.հայ)	30
Երլարդէ Սասուն (»)	30
Գիալապուտեները (»)	6
Դէայի Երլարդ (»)	6
Խնճունիւնից (») հատոր	6

ՏԻԳՐԱՆ ԶԷՇԿԻՒՐԵԱՆ

Հայրենի Զայֆեր

Մ. ՍԷՄԷՐՃԵԱՆ (Զէյրունցին)

Հրացանակիր Քահանան և Լեռան Քարոզիչը
Զերունի պատմութիւն

Բ. ԱՑՎԱԶԵԱՆՑ

Ս.Ծին Ծախուեցաւ (Պատմական Վ.հայ) 6

ՄԻՍԱՔ Ա. Մ. ԳՕԶՈՒՆԵԱՆ (Քասիմ)

Կարապետ (Վ.հայ Ընկերական Կեանիկ) 4 Հատոր 16

ԱՐ ՄԷՆ ՇԻՏԱՆԵԱՆ

Թիապարտը (Վ.հայ Ազգային թեղ. Կեանիկ) 10

Աւազակապեր « « « « 12

Ախորականը « « « « 8

Ա. ՏԵՐ ՍԱՐԳՍԵՆՑ

Չահենն Ի Միպիր 10



407
40

2003



ՏԵՄԻՐ ՄՈՒՇՆՈՒ

ՏԵՄԻՐ ՄՈՒՇԼՈՒ



Վ է ՏԵՄԻՐ ՄՈՒՇԼՈՒն...
Համիտեան Բոնապետութեան կենդանի
գոհերէն մէկը՝ Տարօնի այս աղջիկը, որ մայրաքաղա-
քին ու շատ մը նահանգներու ոստիկանութիւնը տարի-
ներով զբաղեցուցած ու դողացուցած է իր արարքնե-
րով։ Կ'արժէր մեր ընթերցողներուն ծանօթացնել այս
Հայուհին, իր արկածալից կեանքի քանի մը դրուագնե-
րով։ Կեանք մը, որ կրնայ օրինակ հանդիսանալ անոր
համարիւն քոյրերուն։

Տեմիր Մուշլու, ծնած է Մշոյ Վարդօ աւանի կուն-
տէմիր գիւղին մէջ. հայրը՝ Մարտիրոս Արօյեան և մայ-
րու Պետօ, իսկ ինք իր հինգ եղբայրներուն մէկ հա-
տիկ քոյրը, մկրտուած Ռէհան, յետոյ, նոյն գիւ-
ղի գեղեցիկ կտրիճներէն Գասպար Խօշիկեանի հետ
ամուսնանալով, եղած է Ռէհան Խօշիկեան։

Մինչև ցարդ կը խօսուի իր գեղեցկութեան վը-
րայ, որուն շատ կը նախանձէին, կ'ըսէն, կունտէմի-
րի աղջիկները։ Ռէհանի գեղեցկութեան համբաւը հա-
սած էր շրջակայ գիւղերը, և Քուրտերը շատ կը փա-
փագէին տիրանալ անոր։

Համիտիյէ զօրագունդէն, ձիպրանցի աշիրէթէն, իպրահիմ պէկ իմացած էր Ռէանի ամուսնութիւնը, և մտադրած էր առեւանգել զայն, սակայն, Խօշիկեան Գասպարի քաջութեան համբաւէն կը պատկառէր ան, և կ'ուզէր նախ այս վերջինը վերցնել տալ մէջտեղէն, և յետոյ տիրանալ Ռէանի, հոգ չէ թէ այրիցած ըլլար:

Առիթը ներկայացած էր, ի գործ դնելու իր եղեռնական մտածումը:

Ռէան արդէն մայր եղած էր երեք մանչերու. երեք տարիներու ընթացքում, և երջանիկ կեանք մը կ'ապրէր իր կարիճին հետ, երբ իպրահիմ պէկ ուզեց իր քոյրը Skers ամուսնացնել իր հօրաքրոջ տղուն Հասանի հետ: Ուստի սարքեց փառաւոր հարսնիք մը, որուն հրաւիրեց նաև Խօշիկեան Գասպարը, Կունտէմիրի անուանի կտրիճը, միենոյն ժամանակ երեւելին, սիրուած ու յարգուած՝ ժողովուրդէն:

Հարսնիքը շաբաթ մը կը տեւէ, կերուխում, գիներբուք, քրդական խաղեր, պարեր, աւաչք, նուազածութիւն ու նշանառութիւն: Եւ ամբողջ շաբաթ մը, Խօշիկեան հիւրը կ'ըլլայ իպրահիմ պէկին:

Հարսնեքը վերջացած, ամէն մարդ իր գեղը կը վերադառնայ իպրահիմ պէկի տարուած ընծաներուն փոխարէն՝ մանկագին ընծաներով վերադարձած: Սակայն Գասպարը չերեւնար: Երկու օր ետքը ձիբանցի քանի մը քուրտեր, պէկին ճորտերը, Կունտէմիր կը փոխադրեն խեղճ Գասպարի դիակը:

Թունաւորուած էր հարսնիքին մէջ, այսպէս, թողով Ռէանը, իր երեք մատղաշ զաւակներով Յարութիւն, Յովհաննէս և Արսէն:

Գիւղացիները գրգռուած, տեղական կառավարութեան կը բողոքեն այս յայտնի ոճիրին դէմ, ու

րուն հեղինակը կ'ամբաստանէին իպրահիմ պէկը: Այս վերջինը, բնականաբար պաշտպանուած՝ կառավարութենէն, համիտիյէներու հրամանատարի հանգամանքովը, բանտարկել կուտայ բողոքող Հայերը, իրենց վըրայ ի գործ դնել տալով անլուր խոշտանգումներ: Յետոյ, քաջալերուած՝ տեղական ոստիկանութենէն, կը փորձէ անմիջապէս գլուխ հանել իր վաղեմի ծրագիրը, առեւանգելու գեղանի Ռէանը:

Կունտէմիրի բնակչութիւնը, իպրահիմ պէկի ըսպանալիքնեին աղդարաբուած, կը խորհէր գիւղէն փախցնել Խօշիկեանի հէք այրին իր անչափահաս որբուկներով, երբ յանկարծ, ուրիշ աւելի ծանր ալէտ մը կը սպառնայ իրենց: Վարդո աւանին շրջանակին մէջ, Պունտէմիրէն հինգ ժամ հեռաւոր գիւղ մը կայ, Պաղլու գիւղը, որուն հոչակաւոր բռնաւորներէն Աննարի իպօն, իր մարդիկները դրկելով Կունտէմիր, գիւղացիներէն կը պահանջէ իրեն յանձնել Ռէանը, հակառակ պարագային ամբողջ գիւղը, տուներով ու այգիներով մէկտեղ, կրակի տալու սպառնալիքներով: Գիւղացիները կը չուարին, կը ճանչնային իպօն աւազակապետը, լսած էին անոր գործած մէկէ աւելի վայրագութիւնները, նոյն իսկ քուրտ ժողովուրդին վրայ: Գումարուեցան, խորհուրդ կազմեցին և պատասխանեցին իպօյի թէ՛ Ռէանը, իր երկան մահունէն ի վեր հեռացած էր իրենց գիւղէն և թէ ուր հլալը չէին գիտեր իրենք, Սնձարի իպօն ըլ հաւտար, իր մարդիկներուն միջոցաւ ստուգած էր արդէն Ռէանի ներկայութիւնը Կունտէմիրի մէջ. ուստի, աւելի խիստ սպառնալիքներով, երկրորդ անգամ, իր մարդիկները դրկեց Ռէանը պահանջնելու:

Գիւղացիները սարսափահար, շմորած, կը մտա-

ծէին գաղթել, Իպօյի ձեռքը թողլով իրեց տուները, միմիայն պատիւնին ու կեանքերնին պահպանելու համար:

Ծէան, ականատես այս բոլորին, կուլար, մէկ կողմէ իր կնոջ պատիւը, միւս կողմէ իր գիւղին վերև սաւառնող աղէտը:

Վերջապէս, գիւղին ծերերը, աւելի փորձառւո, խորհուրդ կուտան Ծէանի, զո՞ւել ինքզինք ժողովուրդին, երթալ բռնաւոր Իպօյին քով, խոստանալով յետոյ շուտով զինք աղատել անոր ճանկէն: Դժբաղդայրի մանկամարդուչին, գիւղը վերահաս քանդումէն փրկելու համար, կ'անսայ ծերերու խորհուրդին, և կոյանձնէ ինքզինք Իպօյի մարդիկներուն, որոնք զանի կր տանին իրենց տիրոջ հարէմը: Հոս, հինգ օր շարունակ, կ'ենթարկուի քուրտ աւազակապետին գաղանային բռնութեան և ակամայ կը յագեցնէ անոր անսառունի կիրքը:

Իպօ շուտով յագեցած, կը մոռնայ Ծէանը: Սակայն, կունաէմիրցիները չեն մոռնար զանի: Խնչպէս որ խոստացուած էր, գաղանի պատրաստութիւններ կ'ընեն աղատելու իրենց զո՞ր՝ բռնաւորին հարէմէն: Ռւտի, գիւղին հոչակաւոր կտրիճներէն՝ Պաղտասար, իրեն հետ առնելով կարնեցի նօթը կտրիճներ, ամէնքն ալ ներկարարներ, սպառազինուած, կը մեկնին կունաէմիրէն դէպի Պաղլու: Խումբը, Պաղլու մօտակայ կամուրջին տակ դարանամուտ կը սպասեն, իրենց մէջէն Պաղլու դրկելով միայն Պաղտասարը:

Սա, մուրացկանի տարազով, մանտիք մը կը ունակը, ցնցոտիներու մէջ, ողորմելի կերպարանքի մը տակ, կամուրջէն ճամբայ կ'ելլէ, իբր թէ ալիւր մուրալու համար, և կը մտնէ Պաղլու գիւղը:

Ծէան, Իպօյի տիվանզն դուռը կեցած, կը նըշ-

մարէ մուրացկան մը, որ կը մօտենար ի՞ր կումը. կը ֆանչնայ Պաղտասարը, իր գիւղին համակրելի երիտասարդը, և վայրկենապէս կը հասկնայ խնդիրը: Արդէն քանի մը քայլի անջրպետ մը կար իրենց միջև: Ծէան, չերեփ մը ձեռքը, կ'ըսէր Պաղտասարին.—Հիմա կ'երթամ այս չերեփով մեր աղբիւրէն ջուր կ'առնեմ, եթէ տնեցիներէն զիս տեսնող ըլլայ. չե՛մ գար ետեւէդ, իսկ եթէ չը տեսնեն, կուգամ:

Եւ Ծէան խօսքէն կանցնի գործի:

Ո՛չ ոք կար, ո՞չ ոք տեսաւ, Ծէան մուրաց: Կանին կը հետեւէր, երկու ձեռքերը գետին դրած, չորքոտանիի մը պէս քալելով. մերթ սողալով փորին վրայ, իջաւ ձորի մը մէջ ու միացաւ Պաղտասարին:

Զենո էր, ձիւնի համատարածպատանք մը կը ծածկէր, լեռները, դաշտերը, ձորերը: Այդ ձիւնին ու բուքին մէջէն կը փախչի Ծէան և կը հասնի Պաղլուի կամուրջը, որուն աակ դարանակալ կը սպասէն կը բիւրին հետ շուտով կը հասնի իր գիւղը. Կունաէմիր, ուր մնե ուրախութիւններ կ'ըլլան այն օրը: Գիշեր մը միայն կը մնայ Ծէան իր գիւղը, և իր մատղաշ զաւակներով, եօթը կարնեցիներուն պաշտպանութեան տակ, իր գիւղացիներուն նիւթական օժանդակութեամբը կը յաջողի փախչի կարին:

Իպօ կը լսէ եղելութիւնը, գիշերով կունաէմիր կը հասնի աւազակներով, կը պահանջէ Ծէանը, սակայն ձեռնունայն կը վերադառնայ, սպասնալով սուրէ անցունել Ծէանի բոլոր պարագաները: Ուստի գարձեալ գիւղացիներու հոգածութեամբը, Ոէանի ծնողքը ենուս կը փախչի ընտանիքով:

Սասունի Զարդին Մուշ կը գտնուէր Ծէան, իւմացաւ, իր գիւղը զերծ մնացած էր. Կունաէմիր հե-

բոսներու բնավայր մըն էր։ Սակայն տեղական կառավարութեան աչքին փուշ մըն էր Ռէհան, ստիպւցաւ դարձեալ փախչի կարին, ուրկէ շուտով անցաւ Պոլիս իր զաւակներով։

Շոգենաւէն դուրս ելլելուն, իր զաւակներով միամին մաքսատուն առաջնորդուեցաւ, յետոյ ոստիկան զինւոր մը Գումմ Գարու տարաւ զիրենք և յանձնեց Հայոց Պատրիարքարանին։ Նոյն օրը փոխադրուեցան Եւտի Գուլէ, Ս. Փրկչի Ազգային Հիւանդանոցը, ուր մընացին իկն ամիս, մինչև Սահմանադրութեան Տարեդարձին օրը։

Երբ Իղմիրլեան Սրբազան Հիւանդանոց անդամներուն հետ կը շրջագայէր պարաէզին մէջ, տեսաւ Ռէհանը, Տէմիր Մուշլուն, լսեց պատմոիթիւնը և զանի փոխադրել տոււաւ Գումմ Գարու, ծանիկ ամիրային տունը։

Այդ օրէն կը սկսի Ռէհան Խօշիկեանի յեղափոխական կեանքը։

Զէնքերու և նամակներու փոխադրութեան մէջ ցոյց տուած է անվիճելի ճարպիկութիւն մը, և սիինքու գաղտնապահութիւնը։

Հնչակեան զինւորուհի, Պապը Ալիի Ցոյցին պատրաստութիւններուն մէջ ունեցած է գործօն և օգտակար դեր մը. Թօփ Գարուէ Գումմ Գարու Մայր և Կեղեցին զէնք փոխադրած և յանձնած է Լևոն Ֆէնէրձեանի և Կարպիս ու Գառնիկ ընկերներուն։

Ցոյցէն ետքը, երբ եկեղեցիները կը պաշարութ զօրքերէ, Ռէհան Թրքուհի մը ձեւացած, լաջակով ու սաւանով, Մայր եկեղեցին գաղտնի նամակներ կը տանէր կարեւոր, պաշտօնական տեղեր, իր իսկական տարազով կը վերադառնար. Երբ զօրքերը կը տեսնէին մինքը, զարմանք կը յայտնէին, ուկ'ըսէին իրարու։

— Ա'րչափ ստտանայ կին մըն է. Ե՞րբ գնաց, Ե՞րբ եկաւ, ուր կերթայ, ուրկէ կուգայ, այսպէս օրը մէկ քանի անգամ։ Շատ անգամ, շատ մը նամակներ կապած ոտքին տակ, թէրա, Թարապիա կ'անցնէր, գեսպաններուն կը յանձնէր, ու պատասխանը կը բերէր։ Օր մըն ալ, Թարապիայէն կը վերադառնար, Ռէհան իրեն ծանօթ Արմէն անուն կնոջմէ մը կը մատնուի բոլիս Մարգարին, հրածք թէ խղճանարութիւն, անմիջապէս թուղթի Կտորի մը վրայ կը գրէ թէՌէհանը մատնողը մին մըն է, Արտէմը, այդ թուղթը լաթի մը մէջ կը փաթթէ, քարի մը կը կապէ զայն ու կը նետէ Մայր եկեղեցին շրջափակէն ներս։ Հնչակեանները, որոնք հոն ապաստանած էին, կ'առնեն թուղթը՝ կը հասկնան եղելութիւնը, և յիշեալ մատնիչ Արտէմը. շրջափակի բնակչուհիներէն, բռնելով մազերը կը կըտրեն ու կը բանտարկեն զայն նկուղի մը մէջ քառասուն օր։

Այդ օրէն ի վեր Ռէհան կը կորմնցունէր իր գործելու ազատութիւնը, Ոստիկանութեան կասկածին առարկայ, կը հսկուի մօտէն, սակայն դարձեալ չի վհատիր, կը շարունակէ գործել, բնականաբար աւելի զգուշութեամբ. կը յաջողի ինքզինք միշտ զերծ պահել խուզարկութենէ ու ձերբակալումէ։

Միջանկեալ մը. — Պապը Ալիի Ցոյցին օրը, Խօշիկեան Ռէհան, իր զաւակներով միասին, Գումմ Գարուի Մայր եկեղեցին դէպի Բ. Դուռը կ'ուզէր երթալ, երբ Դէպիքը պայթեցաւ։ Ճամբան, կը հանդիպի կնոջ մը, Թօտոսթոցի երեցինը, որուն հետ կը փախչի Սկիւտար, Իղմիրլեան Սրբազանին բնակարանը։

Իղմիրլեան կը համակըր Ռէհանի և շատ անգամ, իրազարակային գովեստը կ'ընէր անոր յանդգնութեան,

անձնութեան ու հերոսային գործերուն։ Ամէն տեսնելուն, կ'ըսէր թէհանի. — Զաւա՛կս, երանի՛ թէքեղի նման կինդ տասը անձնուէր կին ունենայի աղգիս մէջ։

Թէհան թէ և պարզ գեղջկուհի մըն էր, նախնական կրթութեան բալորսվին զուրկ, սակայն միշտ կը կրէր առիւծի սիրտ մը, որ կը բարախէր հայրենիքին համար, և հոգի մը, որ կը տառապէր իր խողխողուած Ցեղին Մեծ Վիշտով։ Ոխ կապած էր Համիտեան ոստիկանութեան դէմ և կ'ատէր մանաւանդիոնապետութեան երկրպագու, Վարձկան գործակալները, նոյսիսկ եթէ ասոնք ըլլացին իր ազգէն, աշխարհական թէ եկեղեցական դասակարգէն։

Երբ Իզմիրլեան պատրիարք ինկաւ և Պրուսայի տիրահոչակ Առաջնորդ Բարթողիմէոս եպիսկոպոսը տեղապահ կարգուեցաւ, Թէհանի սիրտը դառնացաւ։ Կը մտածէր վրէժը լուծել իր սիրեցեալ պատրիարքին, ուրուն գահին վրայ նստեցուցած էինա՛յնքան անարժան մէկը։

Եւ որոշեց սպաննել այդ... մէկը։

Դիմեց Հնչակեան Վարչութեան և ինքինք ահաբեկիչ ներկայացուց, թախանձեց, լացաւ, աղաչեց որ իրեն վստահուի Զամիչեան Բարթողիմէոս եպիսկոպոսին վրայ մահափորձի մը գործադրութեան հոգը։

Մայր եկեղեցին գոհաբանական մաղթանք մը կը կատարուէր Հայաստանի Մեծ Մարդասպանին արևշատութեան համար, նորընտիր տգղապահին նախագահութեան տակ։ Թէհան հոն կը վաղէ, և շոնչը կ'առնէ Մայր տաճարին գաւիթը, սպասելու հոն և սպաննելու դաւաճան եպիսկոպոսը։ Սակայն դժբաղդաբար մահափորձը կը վիժէ։

Այս գէպէն ի վեր Թէհան կը ստիպուի ժամանակ

մը հեռու պահել ինքինք ոստիկանութեան աչքէն, մինչև որ կը հասնի 1896 Օդոստոս 14ի օրը, Օսմանեան Պանքային դէպքին օրը։

Նոյն օրը, կէտիկ բաշա գումարուած յեղափոխական ընկերներ, նամակ մը կը յանձնեն Թէհանի, պատվիրելով որ Ղալաթիա տանի, Ս. Լուսաւորիչ եկեղեցին։ Կը յանձնարարեն որ կամուրջէն չ'անցնի։ Թէհան նաւակով կ'անցնի Ղալաթիա, կ'երթայ Ս. Լուսաւորիչ եկեղեցին, բայց դուռը գոց կը գտնէ, յոյն կիներ, տեսնելով Թէհանը, կը վոնտեն ըսելով. — Փախի՛ր, շուտով փախի՛ր, պիտի զարնուիս հիմա։

Թէհան կը վերադառնայ, հազիւ քանի մը քայլ կ'առաջանայ, Դէպքը պայթած էր։

Թէհան չի՛ շուտարիր, ինքինք կը նետէ ջարդարաններու խուժանին մէջ, որ աջ ու ձախ թիրի հարւածներ կ'իջեցնէին անցորդ Հայերու գլխուն։ Աչազուրկ թրքուհի մը ձեռք անցուցած, ասոր առաջնորդ կը ձեւանայ, և ձեռքէն բռնած, կը ձեղքէ ամբոխը, ձամբայ բանալով կը հասնի Ղալաթիոյ քարափը, ուրկէ նաւակով Սիրքէճի կ'անցնի։ Հոս, ինքինք Քրդուհի մը կը ներկայացնէ քուրտ բեռնակիրներուն, որոնք Հայեր կը վիճուէին ջարդելու։ Այսպէս, արիւնկզակ, աչուըները դարձած խուժանի մը մէջէն կ'անցնի անվըտանգ և կը հասնի կէտիկ Բաշա։

Պանքայի Դէպէլ վերջացած, գաւառացի Հայերուն դէմ նոր հալածանք մը կը սկսի. բոլոր պիենեաները կ'աքսորուին մայրաքաղաքէն և սարսափը կը տիրէ ամէնուրեք։

Թէհան, ինչպէս յիշեցինք, կը բնակէր Գումա Դարու, Պատրիարքարանի կից, ձանիկ Ամիրայի տունը, ուր իրեն դրացի էր նաև Տէր Ուկին։

Դէպէն մէկ շաբաթ վերջ, այս քահանան իր քով

կը կանչէ Ռէհանը, և հայրական գթութեան զեղումով
մը կ'ըսէ.— Ռէհան, զաւա'կս, գիտե՞ս, մատնուած ես
խածիյէ Մէհմէտ պէյին կողմէն, և կը փնտուիս :

Ռէհան ճար մը կը խնդրէ քահանայէն, չիյնալու
համար ոստիկանութեան ճանկը : Տէր Ոսկի, նախապէս
կարգադրած ըլլալով իր ընելիքը, կը շարունակէ .—

— Զաւա'կս, Ռէհան, գիտե՞ս ի'նչ է ասոր ճարը .
կ'ըսէ, եկո'ւր, ինձի յանձնէ' կահ կարասիներդ, բոլոր
ունեցածներդ, գոյք, դրամ, ևն, պուլկարական շոգե-
նաւ մը կը դնեմ քեզ ու Պուլկարիա կը դրկեմ . երբ
հոն համիս, հանգստանաս, դարձեալ քեզի կը դրկեմ
աւանդներդ :

Ռէհան կը հաւանի : Տէր Ոսկի, անմիջապէս կանչեց
ծախնը, Ռէհանի գոյքերը, մաս մը դրամը դրի առնել
տուաւ և զանոնք տունին նկուղը իջեցնել տալով,
կնքեց :

Ամէն բան պատրաստուած էր կանխաւ :

Նոյն օրը, վեց բօլիսներ և զօմիսէր մը Ռէհանի
բնակարանը կը պաշարեն, ներս կը մտնեն, Ռէհանը կը
ձերբակալեն, Գում Գարուի պահականոցը կ'առաջնոր-
դեն, կէս ժամ վերջը, հոն կը փոխադրուին Ռէհանի
երեք մատղաշ զաւակները :

Գօմիսէր Ալի էքէնսափ մը կը կատարէ հարցաքննու-
թիւնը, որուն ընթացքին մէջ նոր յայտնութիւն մը կ'ել-
լէ երեւան :

Հայկական կոտորածներէն ետքը, Պոլոյ մէջ աղ-
գային ընդհանուր սուդի արտայայտութիւններ կ'ըլլա-
յին, և հայուհիները սե կը հագուէին, և զարդարուն
գլխարկներ չէին դներ : Ռէհան, կիրակի օր մը, Մայր
եկեղեցին, ժամերգութեան միջոցին, կնոջ մը գլխարկը
վար առած էր, և այս արարքին համա'ը է որ անի

կը ձերբակալուէր հիմա . մատնութեան մը զո՞ն եղած
էր, Շահինին ու Տէր Ոսկիին ձեռքով կատարուած :

Հարցաքննիչ գոմիսէրը կ'ըսէ Ռէհանի .

— Պէտ օն տէմիրնի եկոմիւրնի կեպէրմիւլէր, մա-
րկէմ պալլանի՞ր մը, օնուն պունուն ելպիսէ վէ շապ-
գասրնը նիշի՞ւն երբարսի . (Հինգ տասը կրկաթա-
գործ, ածխավաճառ սատկած են, սուգ կը պահուի .
ասոր անոր հագուստը, գլխարկը ինչո՞ւ կը՝ պատռես) :

Հարցաքննութենէն ետքը, ոստիկան զինւորներու
սուխններուն մէջէն կ'առաջնորդուի Ռէհան դէպի Ոս-
տիկանութեան Դուռը . իսկ իր երեք տղաքները, իրմէ
քառուն քայլ հեռուէն, զատ փօրպայով կը հետեւին
իրեն . Ճամբան, երբ հետաքրքիրներ կը հարցնէին, ոս-
տիկան զինւորները Ֆեսաւ փօրպար Տրը, կը պատաս-
խանէին :


Հ Օ Յ Տ Ոստիկանութեան Դուռը հասնելուն, Ռէհան կը
տարուի ոստիկանութեան նախարարին սուջեւ : Նազըմ
քաշան, երբ կը տեսնէ Մշեցի կինը, երեսին կը պօ-
ռայ .— Տեօվլիկ միլլիկ խայի՛նի, եթեն սի՞ն մի սի՞ն :

Ամենախստ հարցաքննութենէ մը վերջ, նախա-
րարը կը հրամայէ քովի գոմիսէրին .— Արք'ն ու խայի-
նի, խրեսիխինիզ մուամեկիլ եա՞ փենք :

Այսպէս, Ռէհան, իր անշափահաս որբուկներով կը
նետուի բանաը :

Գիշերները, կէս գիշերէ ետքը, ժամը եօթին ութին
ատենները, հարցաքննութեան կը հանուէր Ռէհան : Այդ
օրերը քուն չունէին Ոստիկանութեան պաշտօնեաները :

Հարցաքննութեան միջոցին, երկու վիթխարի ոս-
տիկաններ, դաշոյնը բանած, Ռէհանի երկու կողմը կե-
ցած, կը սպառնային :



Ահաւասիկ նմոյշ մը հարցաքննութիւններէն։
Հարցաքննիչ դատաւորը կ'ըսէր Ռէհանի։
— Տօղրու սեօլի՛, սենի տիրեկէ պաղլարը։
Իսկ Ռէհան կը պատասխանէր։
Ալլահ փատիւանի բարձր չօգ հօմիւր վերսին, ել-
պէրսէ մէրհամէր իտէր։

Դատաւորը կ'ըսէր հեգնելով։

— Չիւնիի սիզ չօգ մէրհամէր իրտինիզ ժի, փատի-
ւան տա սիզէ երսին։

Ռէհան շուարած, չէր գիտէր թէ ի՞նչ պիտի խօսէր։
յանկարծ պօռաց դատաւորի երեսին։

— Եֆենի՛մ, պիզ պէս եիւզ սենէ տիր սապր եր-
սի՛ֆ . . .

Այս յայտարարութեան վրայ, հարցաքննիչ դա-
տաւորը, նոյնինքն նախարարը, փրփրեցաւ, ոտքի ելաւ
պօռալով։

— Պէն պու խընզըր ժեաֆիր գատընը հօլտիւրէ-
նի՛իմ, կեօրիւրի՛ն, կեօզիւմ կեօրմէ՛սին . . .

Եւ գալտնի հրամաններ տուաւ Ռէհանը խոշտան-
գելու բանտին մէջ։

Անկարագրելի տառապանքներով կ'անցնին Ռէհանի-
բանտարկութեան առաջին օրերը. իր կրտսերագոյն դա-
ւակը, հինգ տարու, երեք օր կը զրկուի հացէ. իսկ
ինքը կ'ենթարկուի անվայել, անխոստովանելի բռնու-
թիւններու և խժդժանքներու, մինչև որ ի վերջոյ, իր
զաւակներով կ'աքսորուի կարին, զրկուած իր դրամէն,
իր գոյքերէն, իր բոլոր կա: կարասիներէն, որոնք իր-
մատնիչներուն ձեռքը կը մնան։

Ռէհան, միւս գաւառացի աքսորականներուն շո-
գենաւը զրուած էր իր զաւակներուն հետ: կ'աղերսէր,
կը պաղատէր որ իր գոյքերը յանձնուեին իրեն, բայց
մտիկ ընող չի կար. Ոստիկանութեան նախարարը հոն-

էր, շոգենաւին մէջ, վերջին հրամանները կուտար, աք-
սորականներուն նկատմամբ: Յուսահատ կինը փորձեց
ինքզինք ծովը նետել իր զաւակներով. ասոր վրայ,
նախարարը հրամայեց անոր ձեռքերը ոտքերը կապել,
և մօտէն հսկել անոր վրայ:

Այդ վիճակին մէջ Տրապիզոն ելաւ:

Կուսակալ Գատրի պէյր, այցելութեան եկած էր
աքսորականներուն, որոնք երկրին ներսերը պիտի փո-
խադրուէին զինւորական խիստ հոկողութեան մը տակ։

Ռէհան յանկարծ լաց ու կոծ մը փրցուց. —

— Զաւակներս ինչպէս պիտի տանիմ հետո, կ'ա-
զաղակէր աղեղալար ձիչ մը ձգած, ուր պիտի տա-
նիմ։

— Քա՛ծ, գոչեց Գատրի պէյ, ձեռքի խարազանը
փակցնելով Ռէհանի երեսին. կռնակովդ տա՛ր. կռնա-
կովդ:

Այսպէս, ոստիկան զինւորներու վայրագ քմահա-
ճոյքին յանձնուած, Մշեցի մանկամարդուհին, տասնե-
րեք օրուան տաժանքոտ ճամբորդութենէ մը վերջ, հա-
տաւ կարին և առաջնորդուեցաւ ուղղակի կեղրոնական
բանաը, ուր միայն երեք օր մնաց, շնորհիւ բողզքական-
ներու պատուելիին, որ միջնորդեց կարնոյ ամերիկեան
հիւպատոսին, մօս: Այս վերջինը դիմեց կուսակալ Ռէ-
ով բաշային և խնդրեց բանտէն արձակել Ռէհանը. իր
զաւակներով: Բաշան չի մերժեց հիւպատոսը, արձա-
կեց Մշեցի կինը. և արտօնեց քաղաքին մէջ բնակիլ,
չըջականները չերթալու պայմանով։

Կարնոյ մէջ երկու տարի բերդարգել ապրեցաւ,
ծայրայեղ թշուառութեան մէջ, միայն մերթ ընդ մերթ
աղքային մնտուէին նսլաստաւորուելով։

Սակայն, բերդարգելութեան մէջ ալ հանդարտ չէր
նստեր Ռէհան: Արտասահմանէն եկած յեղափոխական

գործիչներ և ընկերներ իր տունը կ'ընդունէր, ամիսներով կը պահէր զանոնք:

Երկիր մտնող յեղափոխականները Ռէհանին տունէն կը մեկնէին Սասուն և ուրիշ գաւառներ, և իրենց վերաբարձին, դարձեալ կը հանդիպէին Ռէհանի:

Գործիչներու տեղափոխութեան և առաջնորդութեան գործին մէջ օգտակար դեր մը կատարած է քուրդ Մուսդաֆան:

Այսպէս, յեղափոխականներէն Համբարձում Տիվրիկցին օրերով իր տունը պահնելէ յետոյ, երբ Ռէհան զանի արտասահման փախցուց քուրդ Մուսդաֆային հետ, մատնուեցաւ:

Օր մը, Ռէհան լուացք կ'ընէր Կարնոյ Զայկարա թաղին մէջ, երբ յանկարծ, ոստիկան մը, Ռէհանի փոքրիկ զաւակին առաջնորդութեամբ, կը ձերբակալէ զանի և բանտը կը տանի, և առանց մէկու մը ցոյց տալու, բոպիկ ոտքերով, ձեռքերը շղթայ զարնուած, ոստիկան զինուորները Մուշ կը փոխադրեն զանի:

Ռէհան Կարինէն Մուշ փոխադրուելու միջոցին, ճամբան, Մենիտի գիւղը կը հասնի. հոն ոստիկան զինուորներու գուսօն մը կար, ուր կը գիշերէ խիստ հսկողութեան ներքեւ:

Զինուորները յոգնած պարտասած, առջի իրիկուընէ կը պառկին ու չուտով քուներնին կը տանի. իսկ Ռէհան արթուն կը մնայ, և երբ կը տեսնէ թէ ամէնքը քնացած են, կը փախչի և կ'երթայ կը պահուըտի ցուրենի հասկերու շեղչի մը մէջ: Մէկ ժամէն կ'արթննան զինուորները, և Ռէհանը չեն գտներ: Անմիջապէս, երեսուն քառասուն հեծեալ Քուրտերու առաջնորդութեամբ, ոստիկան զինուորները կը սկսին փնտուել փախտական կինը, և կը յաջողին զանի դուրս հանել ցուրենի դէղին մէջէն, ուր պահուըտած էր անի: Այս վայ-

րենի խումբին մէջ էր Համիտիյէ հարիւրապետներէն Խալիտ պէյը, որ չը լսուած անարդանքներու և չարչարանքներու առարկայ ընելէ յետոյ, Բէհանը փոխադրել տուաւ գուսօնը, և ասկէց՝ Խնուս, ամենախիստ հսկողութեան տակ:

Երբ Խնուսի գայմագամին ներկայութեան բերուցաւ Ռէհանը շղթայակապ, հոն կը գտնուէր Կարինէն ծանօթ բօլիս Մեհմեսը, որ ցոյց տալով Ռէհանը, ըստ գայմագամին.— Գայմագապ'մ պէյ, գիտէ՞ք արդեօք թէ ինչե՛ր ըրած է այս կինը, թէ՝ Պոլիս և թէ՛ Կարին:

Ասոր վրայ, գայմագամը կը հարցաքննէ Ռէհանը, և կը հարցնէ իրեն. — Ի՞վ քեզ փախցուց, Խնուսի Միմէն թէ՛ ոստիկան զինուորները, քենէ կաշառք ուտելով փախցուցին քեզ:

Ռէհան Ժխտողական պատասխան մը տալով, ըստ . — Պէ՛յ Էֆէնտի, ո՛չ մէկը փախցուց զիս, միայն, Կարնոյ մէջ թշուառ, անտէր մնացած զաւակներս խորհելով, և իրեւ մայր, չգիմանալով իրենց կարօտին, փախայ:

Գայմագամը, այս համարձակ խոստովանութեան վրայ, Ռէհանը կը վրկէ թուրք հօնախ մը տունը, հակառակ խեղճ կնոջ սրտակեղեք աղաղակներուն ու պաշատանքներուն զինքը Հայու մը տունը յանձնելու:

Հօնայի բնակարանին մէջ էր զինուորական գայմագամ Խալիլ պէյը, որ կը ճանչնար Ռէհանը, և ծանօթ էր անոր անցեալ գործունէու եան. հարցաքննութիւնը կատարեց ինք անձամբ:

Հարցաքննութեան ընթացքում, գայմագամը բարկանալով Ռէհանի յամառութեան գէմ, որով միշտ կ'ուրանար և ժխտու մով կը պատասխանէր իրեն ուղղուած հարցումներուն, յրամայեց կնոջ ձեռքերը հրաշչէկ ունելիով տաղել: Սակայն ամէն սպառնալիք, ամէն խրժը դըմանք ապարդիւն եղան, Ռէհան մինչեւ վերջը կ'ու-

բանար : Արդէն , Մուշ պիտի աքսորուէր , ուստի , իրեն ընկերացող երեք դասալիք զօրքերէն մէկուն երդում տուին չը փախչելու և ասոր ճիշտէն Էկէփչէն հանելով Բէհանի ճիթը անցուցին , և այսպէս , Մուշ փոխադրելով զանի բանտարկեցին :

Մշոյ բանտին մէջ էր նաև Կոմս Մէկօյի հարսը , Բէհանի հետ միասին , զիրար կը միսիթարէին :

Մշոյ Առաջնորդարանին կողմէն քարտուղար Գեղամ էֆէնտի Տ . Կարապէտեանի (այժմ օսմանեան Երեսիլսան) միջոցաւ գրամական նպաստներ կը զրկըւէին . նաև , Խլըլ Աղանի գիւղէն ու Բնրդակէն կինե՛ր հաց ու կերակուր կը բերէին Բէհանի :

Օր մը , բանտարան մը կուգայ Բէհանի կ'ըսէ . — Գիտե՞ս , մէկ քանի Փէտայիներուն դիմակները բերին բանտը :

Բէհան կը պաղատի բանտապանին արտօնել իրեն դուրս ելլելու . կը բարձրանայ բանտին երդիքը և կը տեսնէ կապերար մէջ փաթթուած երկու մարմիններ : Խսկյն կը ճանչնայ , Գուրգէն ու Ռուրէն ընկերները , որոնք զո՞ւ եղած էին Ցրոնք գիւղի հրդեհին , Թալիպ էֆէնտի ձեռքալ ձգուած կրակին մէջ : Բէհան , երբ կը տեսնէ այդ Կարիճներուն հաստանձ դէմքերը , ինքզինք կը կորսանցնէ . հազիւ մէկ քանի ժամէն կը սթափի :

Բաւական ժամանակ բանտարկութեան մէջ տառապելէ յետոյ , Բէհան ազատ արձակուեցաւ և Կարին գընաց միանալու իր հոգեհատոր զաւակներուն , որոնց Կարօտավը կը հալէր ու կը մաշէր : Գոնէ ժամանակ մը , ատիպուած էր գաղտնի պահել իր ինքնութիւնը , իր վրայ չը հրաւիրելու համար տեղական կառավարութեան ուշադրութիւնը : Սակայն , վերջապէս յայտնուեցաւ իր ներկայութիւնը Կարնոյ մէջ , կառավարութիւնը լսած էր Բէհանի վերադրձը , և այս անգամ տամնապատ-

կեց իր խիստ հսկողութիւնը , այնպէս որ Բէհան , թէկ ազատ , ո՞չ մէկու հետ կրնար յարաերութիւն ընկել :

Օրինակի համար , երբ յեղափոխական գործիչ մը գար արտասահմանէն , առաջին առթիւ , կառավարութիւնը Բէհանի տունը խուզարկել ու զանի բանտարկել կուտար . սակայն , ինչ օգուտ Բէհան չէր դադրեր հիւրասիրելէ ու պահելէ յեղափոխականները , միշտ կը գործէր :

Կարնոյ Առաջնորդ Տ . Զաւէն վարդապետ Տ . Եղիանան (այժմ եպիսկոպոս) , իր փոխանորդը Տ . Ներսէս քահանայ , և քարտուղարը պարոն Վաղարշակ , յաճախակի ստիպուած են միջամտել Կարնոյ կուսակալին մօտ , Բէհանի համար , և մանաւանդ Առաջնորդը , պաշտպանած են զանի , ամէն անգամ որ իյնար ոստիկանութեան ձեռքը :

Բասէնի գործակալը , Գարապալցի Էկոր , կեղծ անունով՝ Մինակ , արտասահմանէն Կարին եկած էր յեղափոխութեան գործով մը : Բէհան , առանց կարևորութիւն ընծայելու կառավարական խիստ հսկողութեան , իր տունը կը պահէ զանի ատեն մը , մինչև որ ան կ'անցնի Սասուն : Յետոյ , Ներամ յեղափոխականը կուգայ կ'իջնէ Բէհանի առունը , ամիս մը վերջը՝ կը վերադրանայ Էկոր . յետոյ Բասէնի Ելւլիլիան գիւղէն Պօսօն ու Նահապէտը կուգան Էկորը Բասէն տանելու դարձեալ նոյն գործով : Խսկ Շերամ , Խնուսցի գօմիսէր Տիգրան էֆէնտիին կողմէն մատնուած ըլլալով , Ոստիկանութիւնը Բէհանի բնակարանը կը պաշարէ և Շերամը ձերբակալելով՝ բանտը կը տանի : Հոս մէկ քանի օր կը մնայ : Խսկ Բէհան , գիտէր թէ՝ Շերամը պարականպատակ էր , ուստի , կը գիմէ Կարնոյ Պարսից հիւրապատոսին , ինչպէս նաև միւս հիւրապատոսներուն , խընդրելով որ միջնորդէն արձակել տալու Շերամը : Հիւրա-

տոսները կը միջամտեն, Շերամ կ'արձակուի բանտէն և
կը վտարուի արտասահման:

Ծէնանի գործունէութեանը տեղեկացած էր կառա-
վարութիւնը ժուռնալով մը, որ տրուած էր իրեն դէմ ։
Կարնոյ կուսակալ, Նազիմ բաշան կը կանչէ Ծէնանը և
անձամբ կը կատարէ քննութիւնը։ Հարցաքննութեան-
մէջ կ'ըսէր. — Կարին օթէլ չը կայ, ի՞նչ օտարական որ-
դայ, տունդ պիտի տանիս ու պահես, հոս Պոլիս չէ՛,
որ ուղածիդ պէս գործես, քեզ պիտի աքսորե՛մ և ա-
մենախիստ բռնութեան տակ պիտի առնեմ, ևս։ Եւ
սակայն, Տէմիր Մոււլու կ'ուրանա՛ր միշտ, ուղղակի-
բանաը կ'առաջնորդուէր, շաբաթներով, ամիսներով՝
քաւելու համար իր յանցանքը

Ուրիշ օր մը, դարձեալ մատնուեցաւ Ծէնան, ամ-
բաստանուելով թէ՛ ինքը փախցուցած էր էկորը. Ռու-
տիկանութեան դուռը տարին, ուր ծեծի ու տանջանքի-
ենթարկուելէ յետոյ, բանաը նետեցին խեղճ կինը։ Բա-
րեբարդաբար, այս բանտարկութիւնն ալ երկար չը տե-
ւեց, Կարնոյ Առաջնորդ Տ. Զաւէն վարդապետը մի-
ջամտեց կուսակալին մօտ և յաջողեցաւ ծեռք բերել
անոր աղատ արձակումը։

Սակայն, Ծէնան, այսքան նեղութիւններէ, տա-
ռապանքներէ, աքսորներէ, բանտարկութիւններէ և
խոշանագութեան ետքը, փոխանակ ուծանալու յեղա-
փոխութենէն, ընդհակառակն, աւելի տաքցաւ, աւելի
փարեցաւ Ս. Գործին։ Երբ զգաց թէ Կարնոյ քաղաքին-
մէջ չպիտի կրնար այլ ևս գործել համարձակ, գիշերով
գիւղէ գիւղ կը ճամբորդէր, նամակներ ու զէնքնը փո-
խաղերու. և, ծանօթ ըլլալով բոլոր գիւղերու ժողո-
վուրդին, բնականաբար, չը կրնար ներս մտնել, դուր-
սը կը մնար, մարագները պատկելով յանախ։

Տէմիր Մոււլուի կեանքը բեղուն է հերոսային դըրւ-

ւագներով, փոթորկուտ կեանք մը, որուն քանի մը
գիծե՛րը միայն կրցանք տալ այս համառօտ էջերուն-
մէջ։

Այս կինը, դեռատի աղջիկ, Սասունի սարերուն
օդը ծծած ու դրախտային վայրերուն զուլալ, անմա-
հական ջուրը խմած, և մանաւանդ, իր ծննդավայր
գիւղին՝ կունտէմիրի կտրիճներէն ժառանգած՝ ամէն-
տեսակ քաջութիւն, վտանգի արհամարհանք, սահման-
ւած էր արդէն կարևոր դեր մը կատարելու հայկական
յեղափոխութեան մէջ։

Կանուխ այրիացած, իր կտրիճին եղերական մահ-
ւան հետեանքովը, և յետոյ, իր գիւղը վերահաս աւե-
րումէ մը փրկելու համար, կամաւոր նուրիումով մը,
քուրտ աւազակապետի մը վայրագ բռնաբարումին կ'են-
թարկէ իր կնոջական պատիւը։

Ծէնան այդ սև թուականէն ուխտած էր զինուրագ-
րովիլ Յեղափոխութեան, միակ զէնքը, որով կը յուսար-
իր ձեռքով լուծել շատ մը վրէմներ, միւնոյն ժամա-
նակ, ծառայելով Հայրենիքին, անձնազոհութեան ամե-
նալայն բաժին մը բերելով անոր աղատագրումի գոր-
ծին։

Եւ այս կինը, իր աքսորի տառապանքներուն մէջ,
իր զաւակներուն հիմնական կրթութիւն մը տալու նուի-
րական պարտականութեանը մէջ բնաւ չը թերացաւ։ Իր-
երեք զաւակներէն միջինը, Յովհաննէս, նոյնիսկ կու-
սակալ Ծէուֆ բաշային պաշտպանութեամբը — որ ձեռք-
բերուած էր Սանսասարեանի տեսուչ Մատաթեանի միջ-
նորդութեամբ — դրուեցաւ Կարնոյ քաղաքին բարձ-
րագոյն վարժարանը, ուր ուժ տարի գիշերօթիկ մնա-
լով, յաջողութեամբ աւարտեց իր ուսումնառութեան
ընթացքը, և ըրջանաւարտի վկայականով ելլելով նոյն
վարժարանէն, Կարնոյ նահանգին Օվանըգ նահիյէն.

մէջ գրադիր կարգուեցաւ, յետոյ զանազան պաշտօններու մէջ դրուեցաւ, ամէնէն վերջը, էտիրնէթ նահանչդին Թռնօվա գաւառակի գայմագամի օգնական կարգուած էր:

Օսմանեան Սահմանադրութիւնը վերառչակուեցաւ և Բէհան տակաւին կը մնար կարին բերդարդել վիճակի մէջ:

Ինչպէս Արտասահմանի զանազան կեդրոններէն դէպի Թուրքիա՝ սկսաւ ներգաղթի հոսանքը՝ քանի քանի կամաւոր աքսորականներու և փախստականներու, նոյնպէս, Թուրքիոյ բանտերուն ու բերդերուն մէջ փակուած հայ քաղաքական յանցաւորները, ընդհանուր ներում, գունդագունդ վերադարձան իրենց բնավայրերը, շատերը դէպի մայրաքաղաքը: Եւ Բէհան, որ իր աքսորակայրին մէջ լսեց Ազատութեան Զայնը, փութաց ի՞նք ալ վազել Պոլիս, իր Յովհաննէս զաւկին քով, որ արդէն իրմէ առաջ հասած էր հոն,

Գաղթականներու ամբոխին մէջ խառնուեցաւ Բէհան: Իր առաջին գործը եղաւ դիմել Ազգային Պատրիարքարանը, պահանջելու համար իր դրամը, գոյքերը, կահ կարասիքը, որոնք աւանդ դրուած էին հոն, Տէր Ռուկի քահանային ձեռքով ու Փոխանորդարանի գրադիր Շահինի գիտութեամբը: Հոն իմացաւ թէ՝ Տէր Ռուկին կէտիկ Բաշային, շատ մը հոգիներ այրել յետոյ Պահարմա գացած էր:

Շաբաթներով, ամիսներով, աղաչելով, պաղատելով, Պատրիարքարանին դռները ափ առաւ Բէհան, իր յափշտակուած ինչքերուն վերստին տիրանալու յոյսով, աղերսագիր աղերսագրի վրայ տեղացուց այն օրերու աղգային իշխանութիւններուն և յաջողեցաւ իր ինդիրը հանել Քաղաքական ժողովի սեղանին վրայ:

Արշարունի Սրբազան, օրուան տեղապահը, կանչեց Բէհանը իր ներկայութեան, նաև Ծնտեսական Խորհուրդի քարտուղար Նորհատեան պարոն Յակոբը, և ուղեց տեղեկանալ այդ կնոջ խնդիրին: Հասկցուեցաւ թէ խնդիրը Դիւանին յանձնուած էր, և Սրբազանը խոստացաւ քննել զայն: Երբ Բէհան Պատրիարքարանի սանդուխներէն վար կ'իջնէր, տեսաւ Տեղապահ Սրբազանը, և սկսաւ լալ, պաղատագին խնդրել որ ժամ առաջ լմնցնէին իր գործը: Նոյն միջոցին, բոլոր բարապանները շրջապատեցին Սրբարունի Սրբազանը, և մէջերնէն մէկը հետեւեալ յայտնութիւնները ըրաւ, պատասխաններով Սրբազանի հարցումին թէ՝ ի՞նչ եղաւ այս կնոջ ստակը: —

— Սրբազան, կ'ըսէր բարապանը, Օրմանեան պատրիարքի հրամանով, Պատրիարքարանին այն սենեակը, որուն մէջ տեղաւորուած էին այս կնոջ գոյքերը, գիշերով պարզուեցաւ Մայր եկեղեցւոյ թաղականներուն ձեռքովը. և գոյքերը փոխադրուեցան Մայր եկեղեցւոյ շրջափակի սենեակի մը մէջ:

— Ո՞ւր մնացին ուրեմն գոյքերը, հարցուց Տեղապահ Սրբազանը.

— Սրբազան Հայր, ըսին բարապանները, ինչպէս որ ժողովրդային առածը կ'ըսէ, Ուշագ եետի, օյունայ կիրտի, Զօպան եետի, գոյունայ կիրտի, այնպէս ալ եղաւ, կարեոր կարասիքները անհետացուցած էին. մնացեալ քանի մը կտորները, Մայր եկեղեցւոյ բակին մէջ անորդի հանեցին. բոլորը չորս հինգ սուկի բռնեց, այն ալ իրենց գրպանը նետեցին:

Նոյն պահուն, Գում Գաբուի Թաղական Խորհուրդի քարտուղար Պ. Բարթող Հիւնքեարպէյնտեան կը մօտենայ և բարապաններուն երեսին կը պօռայ.

— Խայտառակնե՞ր, խեղճ կնոջ բարաները կերաք ։
հիմա ելեր ուրի՞շը կ'ամբաստանէք :


Եւ այս զաւեշտախաղը դեռ շատ պիտի տեւէր,
եթէ Տեղապահ Սրբազնը չը միջամտէր ու չը հանդար-
ցընէր գրգռուած միտքերը :

Դաղթականներու նպաստամատոյց Յանձնաժողո-
վին առջև ալ կ'ելլէ Տէմիր Մուշլուի խնդիրը, դարձեալ
առանց արդիւնքի մը յանդելու :

Արդէն, իզմիրեան Սրբազնի աքսորէն ետը, երբ
Զամիչեան Բարթողիմէոս Արքեպիսկոպոսը Տեղապահ
եղաւ, շատ մը քաղաքական բանտարկեալներու, աք-
սորեալ պանդուխտներու, փախստականներու, ևն դը-
րամները, գոյքերը, Պատրիարքարանի խաւարակուռ
խորշերուն մէջ կորսուեցան, օրինակները բազմա-
թիւ են :







ՍՄԲԱՏ ԲԴԻ Ւ ԱՏ

	ԴՐԱԿ
Թուրքերէն	(Հայրենի թերթուածներ)
Աւարայրի Ա. Ե. Ժիւը	(Փատերգութիւն 5 Արար)
Վեղարաւոր Հեռոսը	(Անսազրական)
Զերունցի Վարդապետ	(")
Բանիէ Բանն	(Պատմական Վէկայ)
Երլըզգէ Սասուն	(")
Դիակապուտները	(")
Գեղի Երլըզգ	(")
Խնճունվեց	համուրը 6

ՏԻԳՐԱՆ ԶԷՋՈԿԻՒՐԵԱՆ

Հայրենի Զայներ

Մ. ՍԷՄԷՐՃԵԱՆ (ԶԵՐՈՒՅցիմ)

Հացանակիր Քահանան և Լեռնի Քարոզիչը 4
Զերունի պատմութիւն 20

Բ. ԱՅՎԱՉԵԱՆ

Ս. Ելին Ռախուեցաւ (Պատմական Վէկայ) 6

ՄԻՍԱՔ Ա. Ա. ԳՈԶՈՒՆԵԱՆ (ՔԱՍԻՄ)

Կարապետ (Վէկայ Ընկերական Կեանին) 4 Հատու 16

ԱՐՄԷՆ ՇԻՏԱՆԵԱՆ

Թիազարք (Վէկայ Ազգային Յեղ. Կեանին) 10

Սւագակապետը « " " " " 12

Ս. Բայրուկանը « " " " " 8

Ա. ՏԷՐ ՍԱՐԳՍԵՆՅ

Շահեցց և Սիպիր 10

7580

2013

